

Goibekokale

ELGETA / Barikua / 2002ko martxoaren 22a / 92. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Intxortako gudarien monolitoari eraso

OXEL EROSTARBE

Asentzioko bidegurutzean dagoen eta Intxortako gudariari omenaldia egiten dien granitozko monolitoari eraso egin diote. Monolitoa guztiz apurtzea lortu ez badute ere, guztiz hondatuta geratu da eta bertan idatzita zegoen testua ezin da irakurri ere egin.

Aurreko asteko egunean jaso genuen berria. Gerra Zibileko gudariari omenaldia egiten zien granitozko monolitoari eraso egin zioten ezezagun batzuek. Harria zelan geratu den ikusita, mazo edo mailuka handi batekin jardun zutela antzeman daiteke.

Asentzioko bidegurutzean dago monolitoa, Euskadiko gudariak inguru horretan gelditu zituzten-eta frankistak Gerra Zibilean. Apurtu berri duten monolitoa 1980an ipini zuten. Besteak beste, erbestean lehendakari zen Leizaola eta fronteko buruzagi Pablo Beldarrain izan ziren orduko omenaldian.

SEI HILABETEAN EUTSI ZUTEN

Intxortako borrokaldi garrantzitsuenak 1936ko urria eta 1937ko



Intxortako gudarien omenezko granitozko monolitoa horrela geratu da.

apirila artean izan ziren. Martiartu batailoiak, Pablo Beldarrain gidaritzapean, sei hilabete eutsi zuten Intxorta inguruan. Estrategikoki garrantzitsua

zen Elgeta. Frankistek, hegazkinen laguntzarekin, ezin izan zituzten gudariak garaitu. Azkenean, etsaia Udaltatik sartu zen, eta Elgeta erabat suntsitu.

AURKEZPENA

Kirola Euskaraz-ko fitxak, aurkeztuta

Eguazten eguerdian (hilaren 20an), udaletxeko areto nagusian, Kirola Euskaraz programako fitxa didaktikoak aurkeztu zituzten. Diputazioko Euskara Zuzendari Lore Leanizbarrutia eta Mankomunitateko Kirol batzordeko arduradun Patxi Basauri izan ziren aurkezpena egiten.

Bestalde, fitxa didaktikoak egiten ibili diren bekadunak ere han izan ziren. Horrela, prestaketa fisikoko fitxa didaktikoak Danel Fernández de Jauregi elgoi-

bartarrak egin ditu. Bestetik, aerobicoko fitxa didaktikoak Silvia Arrivas plazentziarrak, eta Leier Cano eta Onintza García donostiarrek egin dituzte.

Kirola Euskaraz programako bekadunek bi urtean jardun duté aerobicoko eta prestakuntza fisikoko fitxa didaktikoak gertatzen. Debagoieneko Mankomunitateko Kirol Zerbitzuek lagunduta, liburu dendetan eta kiroldegietan izango dira salgai fitxa didaktikoak fitxa didaktikook.



Udaletxeko Pleno Aretoan izan zen eguazteneko aurkezpena.

HERRITARREN HITZA / Igor Arizmendiarieta • Kimikaria

Nork dio kontrakoa?

D enok izan gara inoiz edo gara eguneroko bizitzan antzezle. Gehiago ala gutxiago, baina gure artean ez da inor libratzen. Egia esan, batzuk "Oscarrik" irabazi ez arren merezimendu itzelak egin dituzte sari hau jasotzeko. Bilatzen jardunez gero gure artean aktore eta aktorea bikainak aurkituko genituzke, eta ez nolana hikoak! Hainbat talentu ditugu hor ezkutuan... Ez naiz joango bide horretatik.

Bizibidez eskenatokia daukaten antzezleen antzerkietara joateko ohitura gutxi daukagu. Bitxia da, baina hor dago kontraesana. Badirudi

egunean zehar nahiko antzerki egiten edo ikusten dugula, eta ba horrekin aseta geratzen garela. Zertarako antzokirako sarrera ordaindu egunero badaukagu antzerkia edozein izkinatan? Baina noski arrazoia ez da hori, besteren bat izango da, espero. Izan ere, antzerkira joatea, zinemara, kontzertu edo kirol ikuskizunetara joatea bezain atsegina izan daiteke, edo agian gehiago.



"Badirudi egunean zehar nahiko antzerki egiten eta ikusten dugula"

Egon naizen bi azken antzerkiek hori esaten didate. Azkena "Comicologos" antzerkia izan da. Antzerkia gogoko ez duen edozein, eskenatikietara erakartzeko bezalako lana. Parrez lehertzekoa. Baina nik ez dut inor antzerkira joateko behartzen, bakoitzak jakingo du zer egin, jada helduak gara eta. "Garaipen Operazio" deituriko antzezlan hori ikustera inor behartzen ez

dudan legez. Edota T5en dagoen gaueko izarretako programa ikustera inor bultzatzen ez dudana bezala, edo "Anaia handia"... Punta puntako antzerkiak!

Agian norbait ez dator bat nirekin; baina hori ikusten duenak ez dezala esan antzerkia ikusten ez duenik. Dioena errespetatuko dudana arren, bere iritzia nirearen aurkakoa da. Baina gogoratu, egiak ez duela barkamenik ekartzen berarekin. Beraz ez dut barkamenik eskatuko... Baina gogoratu besteak beste bizitza ere antzerki bat dela ala ez? Nork dio kontrakoa?

LABUR

Gaur egingo dute presoan aldeko hileroko bilkura

Datorren astean Aste Santua dela eta, oraingo astean egingo dute *Euskal Presoak Euskal Herrira* lelopean hileroko egiten duten bilkura.

Betiko moduan, iluntzeko zortzietan hasiko dute bilkura, herriko plazan.

Datorren hileko bilkura, ordea, ohiko egunean egingo dute, hau da, hileko azken barikuan.

Aurrerantzean ere preso-en eskubideak eskatzeko bilkurak egiten jarraituko dute, la azaldu dute antolatzaileek.

ELKARRIZKETA

XABIER ARANGUREN/DEBABARRENA TALDEKO ZIKLISTIA

“Lehendakari rankingeko hamabost lehenengotan geratzia da helburua”

O.E.

Eibarko Debabarrena taldeak hasi dau aurtengo denboraldixa. Xabier Aranguren elgetarra da taldeko beteranuetako bat. Amateur maillako bigarren denboraldixan aurrekaldian egotia izango da Xabierren helburua.

Iazko denboraldixan istripu dexente euki ziñuzen. Hala eta be, nahiko denboraldi txukuna egin ziñuan?

Bai. Hasieran, istripu baten ondorioz, hillabete egon nitzan bizikletan ibiltzeka, eta gero ezin izan neban hasieran neukan sasoi hartu. Hala eta be, lehenengo urtia izateko gustora amaittu neban denboraldixa.

Aurten be, Eibarko Debabarrena taldian ibilliko zara. Zelan ikusten dozu taldea?


Talde oso gaztia gara. Taldekidiak Bizkaikuak, Eibarkuak, Bergarakuak eta Zaldibiakuak die, eta oso gustora dihardut. Danera hamabost ziklista gabiz eta Juanjo Sebastian da zuzendarixa. Taldeko zaharrena naiz, beste batekin batera.

Zelan doa aurtengo denboraldi hasieria?

Donibane Garazin ekin zotsagun denboraldixari. Ondiokan ez nago onenian, baiña oin arte egin dakuakin oso gustora nago. Ia sasoi hartzen juaten gazen. Zeintzuk die aurtengo denboraldirako helburu nagusixak?

Lehendakari rankingian hamabost lehenengotan geratzia pozik egoteko modukua izango litzake. Horretan saiatuko gara, aurten bigarren urtia da-eta. **Parte hartuko dozuen lasterketa garrantzitsuenak zeintzuk izango die?**

Aurreko astian, Lasarten izan giñan, Espainiako Kopan. Balentziaga, Gorla eta Bidasoako Bira be inportantiak izango die. **Oin arteko lasterketetan zer postu lortu dittuzu?**



O.E.

“Aurtenguan talde oso gaztia daukagu; ondiokan ez nago onenian, ia formia hartzen dodan”

Atarrabian 62. geratu nitzan; Lasarten, azkenengotan, erretiratu biharra euki neban; Donibane Garazin profesional batzuek parte hartu zebe eta 49. amaittu neban; Gorlan, aldiz, atzean. **Zortzi urte daroiazuz ziklistamuan. Zein izan da goguan**

“Pisu txikixa daukadanez, mendiko lasterketan ibiltzen naiz benetan gustora”

daukazun momentu onena? Duda barik, gazte maillan Arraten lasterketia irabazi nebanekua da momentu onena. **Ziklista moduan nun ibiltzen zara gustoren?** Pisu txikixa daukat, eta mendiko lasterketak dittut gustoko.

KIROLA

Sei urte beteko ditu gaztetxeak zapatuan

O.E.

Zapatuan, gaztetxe kanpoaldean egingo duten bazkaria izango da herriko gazteak seigarren urteurreneko ospakizun nagusienean batuko dituen ekintza. Hilabetean barrena era askotariko ekintzak antolatu dituzte, eta zapatua euren dako gorde dute.

Gaztetxearen seigarren urteurreneko ospakizunak amaierara heldu dira. Aspaldiko partez, era askotariko jarduerak izan ditugu hilean barrena. Aurrerantzean ere hainbat jarduera antolatu jarraitzeko asmoa azaldu dute herriko gazteek.

Aurretik, ordea, egun osorako festa izango da zapatuan. Egurdi aldean, txikiteoa egingo dute, trikitalariek lagunduta.

Gero, eta eguraldiak laguntzen badu, bazkaria egingo dute gaztetxe ondoko lautadan. Eguraldi txarra eginez gero, frontoian izango da bazkaria.

Bazkalosterako, jokoak antolatu dituzte gaztetxe kideek. Joko horiekin, arratsaldea girotzea da asmoa.

Bukatzean, gauean, Kataluniatik etorriko diren Rubers 28 eta Ensaladilla Sound Sistem taldeek kontzertua eskainiko dute. Talde horietan Pomada eta Dusinghet taldeetako partaideek hartzen dute parte. Hortaz, aurten erè, ska, reggae eta eritmo mestizoak nagusituko dira herriko gaztetxean.

Hilabete osoan antolatu dituzten ekintzetan izan den parte hartzearekin pozik daude gaztetxeak, eta aurrerantzean bide horretan jarraitu nahi dute.



O.E.

Egun osoan barrena giro paregabea izango da gaztetxe seigarren urteurrenean.

**JAR EZAZU
HEMEN
ZURE
PUBLIZITATEA**

Goibekokale

BOLATOKI
taberna-jatetxea



- Asteazken zehar eguneko menua
- Asteburuetan menu bereziak eta sagardotegiko menua
- Pintxoak, ogitartekoak eta errazioak

Artekale 2, Elgeta. 943 76 82 84



BOLINAGA
METALAK

**SALBADOR 7
ELGETA 20690
GIPUZKOA
TEL: 943 76 80 64
FAX: 943 76 83 01**

ERRETRATUZAHARRA

San Martzialgo
erromerian,
1958. urtean

Bergarar guztiek ezagutzen dute San Martzialgo erromeria. Aspalditik datorren ohitura da, eta urterik urtera gero eta jende gehiago elkartzen da San Martzialgo zelaietan. Jeneralean uztaileko lehen domekan ospatzen da, baina aurten, San Martzial eguna domeka izango denez, ekainaren 30ean izango da ospakizuna.

Oraingo asteko erretratua 1958. urtekoa da. Orduan ere herritar ugari batzen zen San Martzialen, eta gaur egun moduan, jai giroa izaten nagusi. Programari dagokionez, ez da aldaketa handirik izan. Ohiko gurdi igoera, meza, dantza saioak, herri jolasak eta dantzaldia egin izan dira beti.

Argazkian ikus daitekeenez, gizonzkoek alkandora zuria janzteko ohitura zeukaten eta ardo-txanbila eta zahatoa ere ezinbestekoak ziren. Argazkikoek 23-25 urte izango zituzten 1958. urtean. Honako hauek agertzen dira erretratuan, umore giroan, ezkerretik eskumara:

Atzean: Angel Elkorro, Patxi



Azkarate, Jabier Juaristi (aurrerago), Jesus Arregi, Jose Luis Etxaniz eta Jose Aranguren.

Aurrean: Luis Olabe, Marcos Altuna (etzanda dagoena), Antonio Azkarate eta Jose Morras.

Argazkia: Jose Morras.


ADI, IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

Agur Maltzaga-
Gasteiz
trenbideari

Berrogei urte inguru igaro dira alboko bi irudien artean, eta herrian izan den aldaketa sakona begibistakoa da. Maltzaga-Gasteiz trenbidea, esaterako, 1960ko hamarkadaren amaieran desagertu zen eta Lasagabasterko lantegia, berriz, 1984. urtean itxi zuten. Beste hainbat lantegi egon ziren tokian etxebizitzak eraiki dituzte, eta ingurua erabat aldatu.



≈ 1963

Trenbidea eta Lasagabaster ehungintza lantegia ikus daitezke Juan Idigorasen argazki honetan (Bergarako Udal Agiritegia).



2002

Ibargarai hiribidea erabat aldatu dute azken urteotan. Lehen zeuden hainbat eraikin bota eta etxe berriak eraiki dituzte hiribide horretan.



Zumelaga
JATETXEA

60 urte zuen zerbitzura!


San Antonio 5. BERGARA. 943 76 20 21



Manufacturas LARRAÑAGA
LAN-BABESERAKO ARTIKULUAK


Eskularruak: larruzkoak, lonazkoak, nitrilozkoak eta PVCzkoak • Polainak: larruzkoak • Amantalak: larruzkoak, lonazkoak eta plastikozkoak • Mangitoak: larruzkoak, lonazkoak eta plastikozkoak • Txanoak: lonazkoak eta skay-zkoak • Segurtasuneko oinetakoak • Entzumen-babesa eta begi-babesa • Soldatzailendako aurpegirako babesa • Maskarak • Lunbalgiarako gerrikoak eta faxak • Hotzaren kontrako parkak • PVCzko trajeak • Soldatzailendako larruzko jakak (3/4) • Lanerako arropa • Hotzaren kontrako txalekoak • Eta abar.

Leizeaga 1 BERGARA Tel. / faxa 943 76 59 53.



REVIEWS

URKIOLA jantziak
GABILONDO puntuzko jantziak
GALARRETA oinetakoak
ZUBIKUA jantziak
JOLAS jantziak eta opariak
GANTXEGI mertzeria
UDABERRIRAKO ETA UDARAKO BEHAR DUZUNA



udaberrian eta udan ere jantzi zaitez geurean



Otalora z/g.
943 79 82 68
ARRASATE



Barrenkalea 35
943 76 29 46
BERGARA



Irala 5
943 76 27 16
BERGARA